

Yanghsi Bae Lingzyinz Loegguh Ciet Ngux Nyied Ngux Daegbied Cezmuz

央视走进凌云录制端午节特别节目

5 nyied 24 hauh, yanghsi itdaug 《Gij Feihdauh Ngux Nyied Co'ngux Daegbied》 lanzmoegcuj bae Baksak Si Lingzyinz Yen, youq henz Dahswsuij miz lizsij gyaenanz haenx caeuq aen yienh neix Ya'gyaz Cin swngdhai lajmbanj Bazlinz Nungzcangh loegguh ciet ngux nyied co'ngux daegbied cezmuz.

Loegguh yienhciegz, lanzmoegcuj aeu minzsuz hozdung bonjdieg—gyang raemx ciengj bit guh rizsienq, yinx ok daegsaek gijgwn ndei dangdieg—Lingzyinz ngaizbit, caemhcai q hawj bouxcujciz caenn dang camgya daejniemh guh gijgwn ndei, yiengq daengx guek bouxyawj langhbaij le guhfap caeuq daegsaek Lingzyinz ngaizbit.

Ciuq cam rox, yanghsi itdaug daegbied cezmuz ngux nyied co'ngux 《Gij Feihdauh Ngux Nyied Co'ngux Daegbied》 youq Guengsae gak dieg loegguh sat le, yaek youq 6 nyied 9 hauh daengz 11 hauh ciet ngux nyied co'ngux geizgan banhaet 8 diemj cung cuengqok, daengzseiz hawj bouxyawj yawj cezmuz seiz byaij haeuj Lingzyinz, roxyiuj gij gingisaek gyaundeidei, daegsaek gijgwn ndei caeuq fungsug Lingzyinz.

(Siuh Fazlingz/肖发凌 Vangz Yenzungz/黄元荣)



▲ Gwn ngaizbit lo.



▲ Song meh neix ciengj ndaej haujlai duz bit.



▲ Hagseng hwnjdaiz doxdax gangj gojgaeq.

Cungzcoj Si Gyanghcouh Gih Banh Doxdax Gangj Gojgaeq Vahcuengh

崇左市江州区举办壮语故事演讲比赛

5 nyied 26 hauh, ciet lwgnyez gozci “roek it” daeuj daengz gaxgonq, Cungzcoj Si Gyanghcouh Gih gizdieg sonhag Cuengh Gun song saw vah—Banjli Yangh Cungsime Siujoyz banh doxdax gangj gojgaeq Vahcuengh hozdung. Aen hozdung neix, cienzbouh youz hagseng aen hagdangz neix cujci, lauxsae sonyinx, hagdangz lauxsae guh bingzveij. Gij gojgaeq camgya doxdax haenx dwg gij saeh hagseng bingzseiz hagsib saedceij comz roengzdaej, lauxsae sonyinx hagseng yungh Vahcuengh bien baenz gojgaeq.

Doenggvaq baez doxdax hozdung neix, caenh'itbouh gikfat gij yiedcingz hagseng hag Sawcuengh Vahcuengh, daezsang gij gangjavah naengzlig hagseng, mizyauq langhbaij le hagdangz hengzguh Cuengh Gun song saw vah gyauyuz sonhag, dwg baez niemhyawj gij cwngzgoj hagdangz Cuengh Gun song saw vah gyauyuz sonhag he, coicaenh daezsang sonhag cizlieng.

(Vangz Saugyah/黄少嘉 Se Naijyiz/谢乃日)

Duh'anh: Son Canghfwen Bouxcuengh Hag Sawcuengh

都安：教授农村壮语歌手学壮文

5 nyied 25 hauh, Duh'anh Yauzcuz Swciyen “song hag it guh” hagsib gyauyuz canghfwen Bouxcuengh hag Sawcuengh ciendaez beizyinbanh youq aen yienh neix Disuh Cin Mbanjhinghli siujyoz haiban. 50 boux yozyenz daj Mbanjhinghli, Fwen Hezvei daeuj haenx, yaek youq aen siujyoz neix guh 17 ngoenz hagsib caeuq beizyin, beizyin neiyungz dwg Sawcuengh giekdaej cihsiz caeuq Fwencuengh cauxsij lijln, neix dwg gij banhfap moq aen yienh neix mboujduenh cauxmoq doidoengh hong minzcuz vah saw.

Vih gyagiengz hong Sawcuengh Vahcuengh aen yienh neix, daezsang canghfwen Bouxcuengh yungh Sawcuengh cauxsij naengzlig, swncienz minzcuz vwnzva, doengzseiz doenggvaq gij hingzik fwen doidoengh lajmbanj dangjehbu “song hag it guh” hagsib gyauyuz gvangqlangh haiguh, Duh'anh Minzyijgiz caeuq Swcigih Minzyijveij lienzhab banh geiz beizyinbanh neix son canghfwen Bouxcuengh hag Sawcuengh. Baez beizyin neix cingj Guengsae Fwen Yozvei veicangj Cinz Siengzcouh caeuq lauxsae Sawcuengh aen yienh neix daeuj hwnjdangz.

(Cinz Baujlieng/覃宝亮 Dangz Siumouz/唐秀谋)



▲ Hwnjdangz yienhciegz.

Lungzswng: Ciengqgo Diuqfoux Angqcoux “Roek It”

龙胜：欢歌笑语迎“六一”



▲ Lwgnyez biujyienj cauhoengfou.

5 nyied 27 hauh, Lungzswng Gak Cuz Swciyen Yisuz Youwzyenz banh vwnzyi comzyienj hozdung, baez hozdung neix cawjdaez dwg “vuenheij majhung seiznyez vuenyungz”, 500 lai boux lauxsae hagseng caeuq bohranz doxvuenh byaij hwnj daizheiq, biujyienj cauhoengfou mizyinx, cauhoengfou guekhag, cauhaex lauxsae daengj cezmuz ndeiawj, youq ciengqgo diuqfoux seiz angqcoux ciet lwgnyez gozci “roek it” daeuj daengz.

(Banh Cisiengz/潘志祥)